

Լ. ԽՈՒՐՉՈՒՂՅԱՆ

Վ. Ի. ԼԵՆԻՆԸ ԵՎ ԲԱՔՎԻ ԿՈՄՈՒՆԱՆ

ՍՄԿՊ XX համագումարը սովետական պատմաբանների առջև դրեց մեծագույն խնդիրներ: Հաղթահարելով անհատի կուլտի վնասակար հետևանքները, դուրս բերել Սովետական Միության Կոմունիստական պարտիայի, սովետական հասարակության պատմությունը այն քաղաքացիական կյանքի, որի մեջ գտնվում էր:

Այդ հատկապես վերաբերվում է Անդրկովկասի ուսուցիչին շարժումների պատմությանը:

Առանց չափազանցության կարելի է ասել, որ անժայռածիր Ռուսաստանի ոչ մի շրջանի ուսուցիչին շարժումների պատմությունը այնքան խեղաթյուրված չէ, որքան Անդրկովկասին: Հատկապես Կոմունայի պատմությունը:

Բաքվի կոմունայի հերոսական պայքարը միջազգային իմպերիալիզմի և ներքին կոնտրոկոլյուցիայի ուժերի դեմ Ռուսաստանի ուսուցիչին շարժումների պատմության մեջ մտել է որպես նրա լավագույն էջերից մեկը, Շրջապատված կրակե օղակով, Կոմունալ միջև վերջին հնարավորությունը դիմադրել է թշնամու ուժերին և այդ մարտերի ընթացքում ծավալել տիտանական գործունեություն:

Բաքվի կոմունայի պատմության ուսումնասիրման բնագավառում գոյություն ունի երկու կարևորագույն թերություն:

1. Չնայած այն հանրահայտ փաստին, որ Վ. Ի. Լենինը սերտ նամակագրական կապ ուներ Ստ. Շահումյանի հետ և հոգատար կերպով ղեկավարում ու ցուցումներ էր տալիս Կոմունայի ղեկավարներին՝ միջազգային իմպերիալիզմի և ներքին կոնտրոկոլյուցիայի դեմ մղվող ծանր ու դժվարին պայքարում, Վ. Ի. Լենինի այդ դերը վերագրվում էր Ի. Վ. Ստալինին:

2. Փոխանակ խորը կերպով ուսումնասիրելու Անդրկովկասի յուրահատուկ պայմանները, անալիզի ենթարկելու դասակարգային և պարտիական ուժերի հարաբերությունը տվյալ ժամանակաշրջանում և դրանից անելու համապատասխան եղրակացություններ, սովետական պատմաբանները ծամծամում էին հակադիտական այն կոնցեպցիան, որի համաձայն Բաքվի կոմունայի անկման պատճառը իբր թե հանդիսանում էր կոմունարների թույլ տված տակտիկական սխալները:

Նկատի առնելով, որ մեկ հոգվածում անհնար է այդ բարդ և խճճված հարցերի մանրամասն պարզաբանումը և խորը հիմնավորումը, մենք նպատակ ենք դնում ընդհանուր դժերով տալու առաջ քաշված խնդիրների լուսաբանումը:

* * *

Տալով Սովետական իշխանության համար մղված պայքարի պատմությունը, անհրաժեշտ է հատուկ ուշադրություն դարձնել Անդրկովկասի վրա, որտեղ երկրամասի հետամնացության, բաղմաթիվ ազգերի, ժողովուրդների և կրոն-

ների առկայության պատճառով, ստեղծվել էր այնպիսի յուրահատուկ պատմական իրադրություն, որը մի շարք կողմերով տարբերվում էր Ռուսաստանի կենտրոնական շրջաններում տիրող իրադրությունից:

Եթե կենտրոնական Ռուսաստանում հանդես էին դալիս հիմնականում բանվոր դասակարգի, գյուղացիության և բուրժուազիայի շահերը պաշտպանող քաղաքական պարտիաներ, ապա Անդրկովկասում դրանց թվին միանում էին ազգային և կրոնական կոնտրոնոլյուցիոն պարտիաները և խմբերը, որոնք դժվարացնում էին բոլշևիկների տակտիկական գծի կենսագործումը:

Բասակարգային ուժերի տեղաշարժերը հասարակական կյանքում և դրա հիման վրա Անդրկովկասի քաղաքական պարտիաների քաղաքականությունը լիովին բխում էին երկրամասի ազգային և կրոնական հակասություններով պայտյանված, բարդ ու խճճված քաղաքական և տնտեսական հարաբերություններից:

Բնական է, որ, այդպիսի պայմաններում, Անդրկովկասի տնտեսական, քաղաքական և ազգային բարդ հարաբերությունների խորը մարքսիստական անալիզի գեպում միայն հնարավոր կդառնար մշակել բոլշևիկյան պարտիայի անդրկովկասյան ջոկատի մարտական տակտիկան:

Անդրկովկասի բոլշևիկների պայքարը կազմակերպում էր Ստ. Շահումյանը՝ Վ. Ի. Լենինի ղեկավարությամբ:

Թե ինչ վերաբերմունք էր ցույց տալիս Վ. Ի. Լենինը Ստ. Շահումյանի վարած քաղաքականությանը և ինչպես էր օգնում իր խորհուրդներով ցույց է տալիս նրա 1918 թ. փետրվարի 14-ի նամակը, որում առաջնորդը գրում էր.

«Թանկագին ընկեր Շահումյան:

Շատ շնորհակալ եմ նամակի համար: Մենք հրձվանքի մեջ ենք ձեր հաստատակամ և վճռական քաղաքականությունից: Կարողացեք դրան միացնել այն ամենազգուշ զիվանագիտությունը, որը անպայման թելադրվում է այժմյան դժվարագույն դրությամբ, — և մենք կհաղթենք:

Դժվարություններն անհաշիվ են: Առայժմ մեզ փրկում են միայն իմպերիալիստների հակասությունները, կոնֆլիկտներն ու պայքարը: Կարողացեք օգտագործել այդ կոնֆլիկտները, առայժմ հարկավոր է զիվանագիտություն սովորել:

Լավագույն ողջույններ ու ցանկություններ և ողջույն բոլոր բարեկամներին»¹:

Վ. Ի. Լենինի և Ս. Գ. Շահումյանի նամակագրական կապը պահպանում էին 3 սուրհանդակներ: Նրանցից մեկը՝ Դ. Գևորգյանը պատմում է, որ միայն ինքը 20 անգամ նամակ է տարել Մոսկվա Լենինին և բերել պատասխանները: Դժբախտաբար քաղաքացիական կռիվների տարիներին այդ փաստաթղթերի մեծ մասը կորել են, գուցե և գտնվում են դեռևս չհետազոտված արխիվներում, ամենայն դեպս հայտնի չեն գիտական աշխատողներին:

Չնայած դրան՝ պահպանված նամակները և մի շարք այլ փաստաթղթեր պարզ կերպով ցույց են տալիս այն անգնահատելի դերը, որ ունեցել է Վ. Ի. Լենինը Բաքվի կոմունայի ղեկավարման գործում:

Անդրկովկասի բանվոր դասակարգի պայքարը Սովետական իշխանության աղթանակի համար 1918 թվականի մարտին պսակվեց հաջողությամբ:

¹ Վ. Ի. Լենին, Երկեր, հատ. 35, էջ 339:

Ջախջախելով մուսավաթիստական կոնտրռեվոլյուցիոն ուժերի զինված հիուշթը, բոլշևիկները ստեղծեցին առաջին սոցիալիստական իշխանությունը Անդրկովկասում՝ Բաքվի կոմունան:

Բաքվի կոմունայի պատմությունը դա միջազգային իմպերիալիզմի և ներքին կոնտրռեվոլյուցիայի ուժերի դեմ, անհավատալի ծանր պայմաններում մղված հերոսական պայքարի պատմություն է:

Միջազգային իմպերիալիզմը շարժվում էր դեպի Անդրկովկաս՝ նպատակ ունենալով առաջին հերթին գրավել Բաքվի նավթային հարստությունները: Պարսկաստանի կողմից դեպի Բաքու էին շարժվում անգլիական զինված ուժերը, Թուրքիայից՝ Վրաստանի և Հայաստանի տերիտորիայով՝ գերմանա-թուրքական զորքերը:

Դեպի Բաքու էին շարժվում նաև անդրկովկասյան կոնտրռեվոլյուցիայի՝ Սեյմի և Գյանջայում կենտրոնացված ադրբեջանական մուսուլմանական կոմիտեի զինված ուժերը:

Եթե Անտանտի, Քառյակ Միության և Սեյմի զինված ուժերին միացնենք էսեռա-մենշևիկյան և նացիոնալիստական պարտիաների դավաճանական գործունեությունը քաղաքում, հնարավոր կդառնա պատկերացնել, թե ինչպիսի պայմաններում էին աշխատում Բաքվի բոլշևիկները՝ մի կողմից կատաղի մարտեր մղելով միջազգային իմպերիալիզմի և ներքին կոնտրռեվոլյուցիայի զինված ուժերի դեմ, մյուս կողմից՝ ներքին քաղաքականության բնագավառում իրադրոժելով սոցիալիստական մեծ վերափոխություններ:

Բաքվի կոմունան գտնվում էր Վ. Ի. Լենինի ուշադրության կենտրոնում, որը անմիջականորեն ղեկավարում էր այդ դրոժը Մոսկվայից, շնայած հաղորդակցության դժվարին պայմաններին:

Քաղաքացիական կռիվների պատճառով, հարցերի արագ վճռման անհրաժեշտության պայմաններում, նամակագրական կապը իրեն չէր արդարացնում:

Ինչ վերաբերվում է հեռագրական կապին, որը առանց այն էլ անմխիթար վիճակի մեջ էր, 1918 թ. մայիսին Դոնի Ռոստովը ատաման Կրասնովի կողմից դրավելուց հետո վերջնականապես կտրվեց:

Որոշվում է Բաքվի հետ կապ հաստատել Աստրախանի վրայով:

Մայիսի վերջերին Մոսկվայից հեռագրում են Աստրախանի փոստ-հեռագրի նահանգական կոմիսարին. «Փոստ-հեռագրի ժողովրդական կոմիսարիատը կարգադրում է Պետրովսկու վրայով Բաքվի հետ անհապաղ կապ հաստատել:

Որոշել ինֆորմացիայի փոխհարաբերության ժամանակը: Կազմակերպեցե՞ք ձեր կայարանում հերթապահություն Բաքվից արտակարգ հաղորդագրություններ ստանալու համար, առաջին հերթին ստացած հաղորդագրությունը՝ «հաղորդեցե՞ք փոստ-հեռագրի նարկոմին»¹:

Միևնույն ժամանակ մեծ աշխատանք էր կատարվում երկու քաղաքների միջև ռադիո-հեռագրական կապի ստեղծման համար: Նկատի առնելով կապի անմխիթար դրությունը դեռ 1918 թ. ապրիլի 13-ին Ս. Շահումյանը գրում էր Խոդկովսոյին. «...նա խնդրում եմ միայն ռադիոստանցիայի մասին:

¹ «Տեղեկատու», № 36, 1918, Բաքու:

Հնարավորություն չկա Ձեզ հետ կապվելու, եթե հնարավոր է ուղարկեցե՞ք անհրաժեշտ հարմարանքները¹:

Այդ նամակը ստանալուց հետո Վ. Ի. Լենինը Բաքու է ուղարկում ինժեներ Գրոմադչիկովին, ռադիո-հեռադրական կապի հաստատման համար:

Հենց այդ մասին է խոսում Ստ. Շահումյանի հետևյալ չհրապարակված նամակը, որտեղ նա գրում էր.

«Թանկագին Վլադիմիր Վլադիմիրովիչ:

Սույնը ներկայացնող ընկ. Գուկալովը ուղարկվում է ինժեներ Գրոմադչիկովի կողմից, որը այստեղ է եկել Ձեր մանդատով, ստանալու համար Մոսկվայում ռադիո-տեlexգրաֆի մասերը և ծովային տիպի 10 կիլովատանոց ռադիո-ստանցիան:

Խնդրում եմ տաք նրան Ձեր հանձնարարականը, որպեսզի նրան շուտացնեն: Այսօր կամ վաղը Ձեզ մանրամասն կգրեմ մեր գործերի մասին:

Ձերմ ողջույնով

Ս. Շահումյան²:

29/VI

Մեծ դժվարություններով հաջողվում է վերականգնել կապը, որը հնարավորություն է տալիս Վ. Ի. Լենինին մշտական կապ ունենալու Կոմունայի ղեկավարների հետ:

Բաքվի բոլշևիկների առջև դրված էին լուրջ և պատասխանատու խնդիրներ. նոր պետական ապարատի ստեղծումը, բանվոր դասակարգի և գյուղացիության դաշինքի ամրապնդումը, նավթային արդյունաբերության և Կասպիական նավատորմի ազգայնացումը, Կարմիր բանակի ամրապնդումը, պարսնային ծանր պրոբլեմի լուծումը, միջազգային Լապերիալիզմի և Անդրկովկասի կոնտր-ռևոլյուցիոն ուժերի դեմ մղվող պայքարի կազմակերպումը՝ ամբողջ երկրամասում Սովետական իշխանություն հաստատելու համար:

Բաքվի բոլշևիկները Ստ. Շահումյանի ղեկավարությամբ պայքարում էին այդ խնդիրների իրականացման համար, որոնց լուծումը ուժերի մեծ լարում էր պահանջում:

Նոր պետական ապարատի ստեղծման և մյուս խնդիրների լուծման հետ միասին՝ հատուկ ուշադրություն էր դարձվում նավթարդյունաբերությունը կործանումից փրկելու և նավթի արտահանումը դեպի Ռուսաստան ուժեղացնելու խնդրի վրա, քանի որ Բաքվի բոլշևիկները գտնում էին, որ վառելիքի քաղաներից կտրված ռևոլյուցիոն Ռուսաստանին նավթ մատակարարելու խնդիրը հանդիսանում է Կոմունայի կարևորագույն խնդիրներից մեկը, եթե ոչ ամենակարևորը:

Սովետական կառավարությունը և անձամբ Վ. Ի. Լենինը, մեծ ուշադրություն էին դարձնում նավթի հանույթի արտահանության ուժեղացմանը և բանվորների նյութական դրության բարելավմանը:

1918 թ. մայիսի 22-ին Ժողկոմսովետը Վ. Ի. Լենինի առաջարկով որոշում է 100 միլ. ռուբլի դնել ԺՏԳԽ-ի վառելիքի բաժնի տրամադրության տակ՝

¹ ՍՄԿԳ Կենտկոմին կից Մարքսիզմ-լենինիզմի ինստիտուտի Հայկական ֆիլիալ, ֆ. 7, օգտագործվում է առաջին անգամ:

² Նույն տեղում, ֆ. 7, օգտագործվում է առաջին անգամ:

Բաքվից նավթ արտահանելու և նավթահանքերի բանվորների աշխատավարձը վճարելու համար:

Վ. Ի. Լենինի հանձնարարությամբ, Վիսնարխովնեվթը մշակեց Բաքվի նավթարդյունաբերության վերականգնման մի ընդարձակ պլան, որի իրագործման համար որոշվեց.

1) Բաքվին ցույց տալ խոշոր ֆինանսական օգնություն.

2) Բաքվի Հյուսիսային Կովկասում գտնվող պարեն մթերոլ գործակալներին բաց թողնել մանուֆակտուրա, թեյ, շաքար, մեխ, կոշիկներ և այլ ապրանքներ՝ հացի հետ փոխանակելու համար.

3) նավթահանքերի աշխատանքները վերականգնելու համար ուղարկել անհրաժեշտ նյութեր և այլն:

Բայց, շնայած կառավարության ձեռք առած մի շարք միջոցառումներին, Բաքվի նավթարդյունաբերողների սաբոտաժի պատճառով նավթի հանույթը և արտահանությունը քանի գնում ընկնում էր:

Բաքվի բոլշևիկները գտնում էին, որ նավթի հանույթի բարձրացման և արտահանության ուժեղացման միակ միջոցը նավթարդյունաբերության ազգայնացումն է:

Դեռևս 1918 թ. ապրիլի 13-ին Ս. Շահումյանը գրում էր Ժողկոմսովետին. «Նավթարդյունաբերության ազգայնացման հարցը վաղուց է լուծված, որը պատրաստվում ենք իրականացնել»²:

Բայց այս հարցում Բաքվի կոմունայի բոլոր պատմաբաններն էլ աղավաղել, խեղաթյուրել են փաստերը, Լենինի կատարած վիթխարի դերը վերագրելով Ստալինին, մինչդեռ ինչպես ցույց են տալիս փաստերը, բոլոր կարևորագույն հարցերի լուծման ժամանակ Ստ. Շահումյանը խորհրդակցում էր Վ. Ի. Լենինի հետ:

Մեր միտքը մենք կարող ենք ապացուցել հետևյալ փաստով: Մայիսի 10—20 Բաքվում ստացված Ժողտնտնավթխորհի հեռագիրը՝ նավթի հանույթի բարձրացման մասին, այնպիսի տպավորություն էր ստեղծում, որ ազգայնացումը արդեն հաստատված է: Հեռագրի վերջին մասում առաջարկվում էր աշխատավարձի վճարման և բանվորների աշխատանքի հետ կապված բոլոր նորմաները մշակել «համապատասխան ամբողջ Ռուսաստանի ազգայնացման ենթարկված արդյունաբերության գոյություն ունեցող նորմաների»³:

Ստ. Շահումյանը, նկատի ունենալով այդ հեռագիրը և Բաքվին 100 միլիոն ռուբլի տրամադրելու որոշումը, մայիսի 27-ին հեռագրում է Վ. Ի. Լենինին, որ «ընդունված որոշումները հասկանում ենք որպես ազգայնացում: Կասկած է առաջացնում կառավարական ղեկըրետների բացակայությունը: Եթե խոչընդոտներ չկան հեռագրեցեֆ ավելի ուղղակիորեն: Ողջունում եմ որոշումը»⁴:

Ինչպես տեսնում ենք, մայիսի 27-ին Շահումյանը խնդրում է Վ. Ի. Լենինից որոշակիորեն հայտնել՝ ղեկըրետ եղե՞լ է, թե ոչ: Բնական է, որ մայիսի 27-ին այդպիսի հեռագիր տալով Ս. Շահումյանը հունիսի 1-ին, առանց Լենինից պատասխան ստանալու չէր կարող ընդունել նավթարդյունաբերության ազգայնացման մասին ղեկըրետը:

¹ Сб. Красный Архив, № 4—5, стр. 13, 1938.

² Ս. Շահումյան, Ընտիր երկեր, էջ 567, 1948:

³ ԱՍՍՌ, ՀՌԿՊԱ, ֆ. 11, ցույց. 2, գ. 22, թ. 64—68:

⁴ Ս. Շահումյան, Ընտիր երկեր, էջ 602, 1948: Ընդգծումը մերն է:

Իրականում կատարվել է հետևյալը.

Մայիս ամսին ժողկոմսովետը Վ. Ի. Լենինի նախագահությամբ որոշում է ընդունում (և ոչ թե դեկրետ) նավթարդյունաբերության ազգայնացման մասին, նրա՝ կյանքում կիրառումն հետաձգելով մինչև համապատասխան նախահաշվի կազմումը:

Չնայած այն հանգամանքին, որ նավթային արդյունաբերության ազգայնացման անմիջականորեն իրականացման մասին ոչ մի որոշում չէր եղել, Ի. Ստալինը մայիսի 28-ին հեռագրում է Բաքու. «Ժողովրդական Կոմիսարների Սովետը հաստատել է նավթային արդյունաբերության ազգայնացումը: Մանրամասն հրահանգները իր հետ բերում է Տեր Գաբրիելյանը, որը դուրս է եկել մայիսի 26-ին...»¹:

Համաձայն այս հեռագրի՝ Բաքվի ժողկոմսովետը Շահումյանի առաջարկությամբ հունիսի 1-ին ընդունում է նավթարդյունաբերության ազգայնացման մասին դեկրետը, որը հրապարակվում է հունիսի 2-ին:

Տեղեկանալով Բաքվի Սովետի այդ որոշման մասին, ԺՏԳԽ-ի և Գլավկոնեվթի ղեկավարները պահանջում են Բաքվի բոլշևիկներից չեղյալ հայտարարել այդ դեկրետը, հայտնելով, որ ազգայնացման անմիջական իրականացման մասին ոչ մի դեկրետ չի ընդունվել:

Այս բոլորը բարդացնում են դրությունը և Բաքվի բոլշևիկներին գցում անեյանելի դրության մեջ, որովհետև նավթարդյունաբերության ազգայնացման դեկրետի ընդունումից հետո ոչ մի կերպ հնարավոր չէր չեղյալ հայտարարել այն: Դեկրետի չեղյալ հայտարարելը կտաներ դեպի նավթարդյունաբերության վերջնական քայքայումը:

Նուսելով նավթարդյունաբերության ազգայնացման դեկրետի ընդունման մասին, Ստ. Շահումյանը Բաքվի Սովետի հունիսի 22-ի նիստում ասում էր. Դուք գիտեք, որ ազգայնացումը մենք հայտարարեցինք ժողովրդական Կոմիսարների Կենտրոնական Սովետի որոշման հիման վրա:

Ու ընկեր Ստալինից նամակ եմ ստացել, որի մեջ վերջում ավելացված է, որ այդ նամակը կարդացել ու հավանություն է տվել ընկ. Լենինը և որ այդ բոլորն, ինչ ասված է այս նամակում՝ պաշտոնական բնույթ է կրում ու ելնում է ժողովրդական Կոմիսարների Սովետից: Այնուհետև ընկեր Ստալինից ստացված երեք հեռագրերում վճռականապես հայտարարվում է, որ ազգայնացումը հաստատվել է...»²:

Փաստերը ցույց են տալիս, որ Ի. Վ. Ստալինը լիազորված չի եղել ոչ Լենինի և ոչ էլ ժողկոմսովետի կողմից, այդպիսի հեռագրեր տալու, հակառակ դեպքում ոչնչով չի կարելի լացատրել Վ. Ի. Լենինի Ս. Գ. Շահումյանի հարցումին տված պատասխան հեռագիրը, որի մեջ ասվում էր.

Նավթային արդյունաբերության ազգայնացման մասին դեկրետը դեռևս չի եղել: Մտադիր ենք նավթային արդյունաբերության դեկրետավորումը կատարել նավարկության վերջում:

Առայժմ դեռ կազմակերպում ենք նավթամթերքների առևտրի պետական մոնոպոլիան: Չեւոր առեր բոլոր միջոցները վաճառելով նավթամթերքների արագ արտահանության համար:

¹ «Известия Цаксовета», № 104, 1918.

² Ս. Նուբուդյան. Ընտիր երկեր, էջ 643, 1948.

Ամեն օր տեղեկություններ հայտնեցեք Գլավկոնեվթին՝ նավթարդյունաբերության վիճակի մասին»¹։

Լենինյան այս փաստաթուղթը մեշտ անտեսվել է։

Շահումյանը մի շարք հեռագրեր և նամակներ է ուղարկում Վ. Ի. Լենինին, գրելով. «Մեզ խճճել են այդ հարցի մեջ»² և բացատրելով, որ դրանից հետո ինչ արվել է այլևս վերագարձ լինել չի կարող դեպի հինը։

Նկատի առնելով ստեղծված բարդ դրությունը և Շահումյանի ու Բաքվի ԺՏԳԽ-ի մյուս ղեկավարների պատճառաբանությունները, հունիսի 20-ին Ժողկոմսովետը քննարկում է այդ հարցը և ղեկրետ ընդունում նավթային արդյունաբերության ազգայնացման մասին։

Ահա այս է նավթային արդյունաբերության ազգայնացման համար մղված պայքարի իսկական սլաոմությունը։

Բաքվի Ժողկոմսովետի առջև ծառացած դժվարագույն հարցերից մեկը անդիսանում էր սլարենային վատթար դրության կարգավորումը։

Բաքվի պրոլետարիատի դրությունը կրիտիկական էր։ Բաքվի բնակչությունը բառիս բուն իմաստով քաղցած էր։ Բաքվի Սովետը մի շարք լուրջ միջոցառումներ է ձեռնարկում՝ այդ դրությունից դուրս գալու համար։

Դեռ մարտի 26-ին հաշվառման են առնվում ծխախոտի, մակարոնի, օճառի, մանուֆակտուրայի բոլոր տեղական ֆաբրիկաները, թեյի և շաքարի պահեստները, խոշոր արհեստանոցները, հատկապես ջրաղացները, որտեղ նշահակվում են հատուկ լիազորություններ ունեցող կոմիսարներ։

Զարկ տրվեց Հյուսիսային Կովկասում, Սիբիրում, Անդրկասպյան երկրամասում, կենտրոնական Ռուսաստանում և երկրի այլ բազմաթիվ շրջաններում դործող՝ Բաքվի մթերման գործակալությունների աշխատանքներին։ Առևտրական հարաբերություններ հաստատվեցին պարսկական վաճառականների հետ։

Անողոր պայքար է սկսվում կաշառակերության, գողության և սպեկուլյացիայի դեմ։

Զեռք առնված միջոցառումների շնորհիվ արագ կերպով տեղերում մթերվում է մեծ քանակությամբ պարենամթերք, բայց քաղաքացիական պատերազմի ծանր պայմաններում, տրանսպորտի քայքայվածության պատճառով հնարավոր չի դառնում մթերված պարենամթերքը հասցնել Բաքու։

Նույնիսկ Ադրբեջանի շրջաններում հնձված բերքը այդ նույն պատճառներով չհաջողվեց փոխադրել Բաքու։

Սովետական Ռուսաստանը՝ չնայած այն հանգամանքին, որ կտրված էր հացառատ վայրերից, այնուամենայնիվ ձեռք էր առնում բոլոր միջոցները՝ Բաքվին օգնելու համար։

Ինչպես մյուս հարցերում, այս խնդրում ևս Վ. Ի. Լենինը գործուն մասնակցություն է ցույց տալիս։

Հունիսի 30-ին Բաքվի «Տեղեկատու» թերթը տպագրում է Վ. Ի. Լենինի հեռագիրը Ստ. Շահումյանին, որի մեջ ասվում էր. «Ժողովրդական կոմիսարների Սովետը որոշել է անհապաղ Ցարիցինից Բաքու ուղարկել մեծ քանակությամբ հաց և հանձնել Բաքվի Սովդեպին, որպեսզի նավթի առաքումն անպայման ապահովի»³։

¹ «Լենինյան ժողովածու», հատ. XXXV, էջ 24։

² «Պարտիական կյանք», № 6, էջ 26, 1936։

³ «Տեղեկատու», № 34, 1918։

Ինչպես երևում է՝ այս փաստաթուղթը միակը չէ, քանի որ մայիսի 30-ին Ս. Շահումյանի Ցարիցին՝ Օրջոնիկիձենին տված հեռագրից երևում է, որ Լենինը մի շարք անգամներ դիմել է այդ հարցով Ցարիցին։ Այդ հեռագրում ասվում է. «Բաքվի պրոլետարիատը ապրում է ծանր պարենային կրիզիս։ Իսկական սով է։ Ձեր բաղժաթիվ խոստումները և Լենինի կարգադրությունները Ցարիցինից հաց ուղարկելու մասին Ձեր կողմից չեն կատարվում...»¹։

Կատարելով Վ. Ի. Լենինի կարգադրությունը, Ս. Օրջոնիկիձեն հեռագրում է Բաքվի կոմունայի ղեկավարներին. «Վաղը ուղարկում ենք տասը հազար փութ հաց՝ չրային ճանապարհով։ Կարգադրություն է արված անհապաղ մարշրուտային գնացքներ ուղարկել Ստավրապոլի նահանգից և Թերեքի մարզից»²։

Ինչպես տեսնում ենք, Վ. Ի. Լենինը հիանալի ծանոթ էր Բաքվի պարենային դրությանը և ջանք չէր խնայում փրկելու հերոսական բաղադրի պրոլետարիատին սովի ճիրաններից։

Բացի Բաքվի կոմունայի ներքին քաղաքականության հիմնական հարցերի լուծմանը ունեցած մասնակցությունից, Վ. Ի. Լենինը հատուկ ուշադրություն էր դարձնում միջազգային իմպերիալիզմի դեմ մղվող պայքարի կազմակերպմանը։

Ինչպես մենք նշեցինք վերևում, միջազգային իմպերիալիզմի դիմադրությունը շարժվում էին դեպի Բաքու, քաղաքի նավթային հարստությունների դրաման համար։

Ստ. Շահումյանը լավ գիտեր միջազգային իմպերիալիզմի նպատակները և այդ մասին տեղյակ էր պահում Կենտրոնական կառավարությանը և անձամբ Վ. Ի. Լենինին։ Դեռ մայիսի 20-ին նա հեռագրում է Մոսկվա.

«Թիֆլիսից ստացված բոլոր տեղեկությունները խոսում են Բաքվի վրա թուրքերի կողմից նախապատրաստվող արշավանքի մասին։ Մեզ անհրաժեշտ է շտապ օգնություն»³։

Մի քանի օր հետո նա նորից հեռագրում է. «Թուրքերը Կարաբիխսա — Դիլիջան — Աղստաֆա խճուղով շարժվում են դեպի Բաքու։ Համաձայն ստորագրված պայմանագրի թուրքերը մոտ օրերս սկսում են զորքերի տեղափոխումը դեպի Բաքու և Զուլֆա։ Հայտնում եմ, որ հարձակումը սկսված է»⁴։

Թուրքական զորքերը նպատակ ունեին միանալ Գյանջայում կենտրոնացված մուսավաթիստական զորքերին և միացյալ ուժերով շարժվել Բաքվի վրա։

Ստ. Շահումյանը գտնում էր, որ տվյալ պայմաններում միակ ճիշտ տակտիկական դա հարձակողական տակտիկական է։ Նա գրում էր. «Սակայն մենք պետք է հանդիպենք թշնամուն ոչ թե այնտեղ, ուր նա կցանկանա, այլ այնտեղ, ուր մեղ օգտակար կլինի։ Հարձակողական տակտիկական համարվում է ավելի լավ ու ավելի ճիշտ»⁵։

Ստ. Շահումյանը անհրաժեշտ էր համարում ջախջախել Գյանջայում կենտրոնացված մուսավաթիստական զինված ուժերը՝ մինչև թուրքերի նրանց միանալը։ Բաքվի Կարմիր Բանակի հարձակումը կազատագրեր Անդրկովկասի

¹ «Известия Баксовета», № 104, 1918.

² «Іакинский рабочий», № 110, 1918.

³ Труды Аз. филиала Института марксизма-ленинизма, т. XII, стр. 185, Баку, 1948.

⁴ Труды Аз. филиала Института марксизма-ленинизма, т. VI, стр. 68, Баку, 1947.

⁵ Ստ. Շահումյան, Ընտիր երկեր, էջ 640—641.

գյուղացիությանը, որով իմպերիալիզմի ուժերի դեմ մղվող պայքարը ավելի կուժեղանար:

Հարձակման խնդիրները հաջող կատարելու համար լրացուցիչ հարկավոր էր 2—3 դիվիզիա, և որովհետև ուշացումը հավասար էր մահվան, Բաքվի ժողկոմսովետը որոշեց անմիջապես սկսել հարձակումը: Բաքվի ժողկոմսովետը ձեռք առավ նաև մի շարք միջոցառումներ բանակի ուժեղացման համար:

Այդ բոլոր նախապատրաստությունների մասին Շահումյանը տեղյակ էր պահում Վ. Ի. Լենինին:

Մինչև հարձակումը սկսելը Շահումյանը կատարում է մի կարևոր քայլ ես: նա իրագործելով Վ. Ի. Լենինի ցուցումները իմպերիալիստական պետությունների միջև գոյություն ունեցող հակասությունների օգտագործման, խուսանավման մասին, որոշում է չեզոքացնել վրացական կառավարությունը: Հունիսի 6-ին Շահումյանը նամակ է գրում Ն. Ժորգանիային առաջարկելով թույլ չտալ վրացական երկաթուղիներով թուրքական լորքերի փոխադրումը դեպի Բաքու: Բաքուն Թիֆլիսից կտրված լինելու պատճառով բանակցությունների գործը իրենց վրա են վերցնում Երկրային կոմիտեի Թիֆլիսում գտնվող անդամները:

Բանակցությունների օրը Շահումյանը ևս իր հերթին հեռախոսով բանակցում է Ն. Ժորգանիայի հետ:

Բայց բանակցությունները անարդյունք վերջացան, որովհետև Վրաստանը արդեն փաստորեն օկուպացիայի էր ենթարկվել գերմանական զորքերի կողմից:

1918 թվականի մամուլը ուսումնասիրելիս մենք Բաքվի «Бюллетени Диктатуры Центрокаспия и президиума Временного Исполнительного Комитета» թերթի սեպտեմբերի 8-ի համարում և «Արև» թերթի սեպտեմբերի 10-ի համարում գտանք Վ. Ի. Լենինի 1918 թ. մայիսի 14-ին Շահումյանին գրած հետևյալ նամակը.

«24 мая 1918 г., Москва.

Дорогой товарищ Шаумян!

Пользуюсь оказией, чтобы еще раз послать Вам пару слов (недавно послал Вам письмо с оказией, получили ли Вы?).

Положение Баку трудное в международном отношении. Поэтому советовал бы попытать блок с Жордания. Если невозможно — надо лавировать и оттягивать решение, пока не укрепитесь в военном отношении. Трезвый учет и дипломатия для оттяжки — помните это.

Наладьте радио и через Астрахань пошлите мне письма.

Лучшие приветы. Ваш Ленин»¹.

Քանի որ նամակը հրապարակված է եղել ոչ բոլշևիկյան մամուլում, ասյուրնական է, որ կարող են կասկածներ առաջանալ թե կեղծված չէ՞ այն արդյոք: Վ. Ի. Լենինի նամակում առաջ է քաշվում երկու հիմնական հարց: Առաջին. փորձել բոլկ ստեղծել Ժորգանիայի հետ: Երկրորդ. եթե այն հնարավոր

¹ Бюллетени Диктатуры Центрокаспия и президиума Временного Исполнительного Комитета. № 33, 8 сентября 1918 г.

չէ, ապա սպասել, խուսանալ մինչև ամրանալը: Հուլիսի սկզբներին Վ. Ի. Լենինին գրած նամակում Շահումյանը հայտնում է. «Դուք Ձեր փոքրիկ նամակում, որ բերել է ինձ Տեր Գաբրիելյանը, գրում եք, թե նկատի ունենալով մեր դրության դժվարությունը միջազգային տեսակետից՝ ավելի լավ է սպասել. մինչև ամրանալ: Մենք իհարկե դրան սպասել ենք և ամրացել...»¹:

Այնուհետև նույն նամակում Շահումյանը կրկնելով Վ. Ի. Լենինի խոսքերը, գրում է. «Մեր գրությունը միջազգային տեսակետից իրոք որ դժոխային է»:

Այսպիսով, ինչպես տեսնում ենք, Վ. Ի. Լենինի նամակում առաջ քաշված արցերից մեկը հաստատվում է Ստ. Շահումյանի սույն նամակից բերված րադվածքներով:

Ինչ վերաբերվում է մյուս հարցին՝ Ժորդանիայի հետ բանակցությունների վարելու առաջարկին, այդ մասին պահպանվել է Նազարեթյանի նամակը Ս. Շահումյանին, որում նա մեղադրում է Շահումյանին և Լենինին Ժորդանիայի հետ բանակցություններ վարելու համար²:

Ահա այս տվյալները մեզ բերում են այն համոզմանը, որ նամակը պահպանում է Վ. Ի. Լենինի գրչին և կեղծված չէ:

Ինչ վերաբերում է Նազարեթյանի մեղադրանքին, ապա այն անհիմն է և բխում է նրանից, որ նա լավ ծանոթ չէր քաղաքական իրադրության նրբություններին:

Բանն այն է, որ իրոք մայիս ամսին բլոկ ստեղծելու հնարավորություն կար: Վ. Ի. Լենինը, որը ուշագիտ կերպով հետևում էր Անդրկովկասի քաղաքական կյանքի զարգացմանը, իսկույն նկատելով այդ հնարավորությունը, նամակ է գրում Շահումյանին, առաջարկելով փորձել Ժորդանիայի հետ բլոկ ստեղծել: Բայց վատ նամակագրական կապի պատճառով (նամակները ուղարկվում էին սուրհանդակների միջոցով) մինչև բանակցությունների կազմակերպումը վրա է հասնում հունիս ամսվա վերջը և քաղաքական իրադրության արագ վարզացման պայմաններում լիկվիդացիայի են ենթարկվում այն բարենպաստ պայմանները, որոնք ի նկատի ունենալով Վ. Ի. Լենինը գրել էր այդ նամակը:

Նամակը ցույց է տալիս, որ Վ. Ի. Լենինը իրոք հիանալի ծանոթ էր Անդրկովկասի քաղաքական իրադրությանը և ամենօրյա դեկավարություն էր ցույց տալիս:

Բոլոր անհրաժեշտ նախապատրաստությունները տեսնելուց հետո, հունիսի 10-ին սկսվում է Բաքվի կոմունայի զորքերի առաջարժումը: Բաքվի զորքերը սկսեցին հաղթականորեն առաջ շարժվել: Հունիսի 11-ին նրանք գրավեցին Սադիրի կայարանը, 12-ին Քյուրդամիր գյուղը և կայարանը, 16-ին Կարս. մարզան գյուղը և մոտեցան Գեոկչային:

Ինտերվենտները և ներքին կոնտրռեյուցիոն ուժերը սարսափի մեջ էին ընկել: Նրանք անմիջապես ակտիվ գործողությունների են անցնում Բաքվի զորքերի հաղթական արշավը կանգնեցնելու համար:

Հունիսի 12-ին Բաքվում հեղաշրջման փորձ է կատարվում, որը պարտի կերպով ղեկավարում էր անդլիական կոնսուլ Մակ-Դոննելը: Հեղաշրջման նախապատրաստմանը ակտիվ կերպով մասնակցում էր պարսկական կոնսուլ Մա-

¹ «Պարտիական կյանք», № 6, 1936, էջ 34—35: Ընդգծումը մերն է:

² Տե՛ս Ս. Մալուխ, Бакинская коммуна, 1927, стр. 98.

Քեզիսան Սայիդ Ուլ Վիզարը, որը այդ գործի համար հետագայում սպիտակ-դավարդիական հրամանատարության կողմից պարգևատրվեց շքանշանով։

Հեղաշրջումը անմիջականորեն պետք է իրագործեին էսենները, խոռվարարները մտադիր էին ձերբակալել Ստ. Շահումյանին և Բաքու հրավիրել անգլիացիներին։ Հեղաշրջման փորձը իսկույն ճնշվեց, իսկ նրա ղեկավարները ձերբակալվեցին։

Դրանից անմիջապես հետո, հերքելով թշնամիների տարածած լուրերը այն մասին, թե իբր Բաքվի Սովետը համաձայնագիր է կնքել անգլիացիների հետ, Շահումյանը և Զափարիձեն մի հեռագրով դիմում են Լենինին և Պետրովսկի, Ուստրախանի, Յարիցինի, Սարատովի Սովդեպներին հայտարարում, որ «Իմպերիալիստական ամեն մի ձգտման, որ կողմից էլ այդ երևան դա, կտրվի հարկավոր հարվածը Բաքվի պրոլետարիատի և Կովկասյան Կարմիր Բանակի կողմից»¹։

Եթե անգլիական իմպերիալիստները բավարար չափով զինված ուժեր չունենալու պատճառով գործում էին ինտրիգաների միջոցով, ապա գերմանա-թուրքական իմպերիալիստները վախեցած Բաքվի բանակի հաջողություններից, զգալի թարմ ուժեր նետեցին ռազմաճակատ։ Թուրքական 15 հազարանոց զորքի ժամանումից հետո (իսկ այդ զորքերին ղեկավարում էին գերմանական սպաները) դրուժյունը ռազմաճակատում արմատապես փոխվեց։

Հունիսի 27—30-ը Գեոկչայի շրջանում, չորս օր շարունակվող արյունահեղ մարտերից հետո, թշնամու անհամեմատ ուժեղ զորքերի ճնշման տակ Բաքվի բանակը սկսեց նահանջել։

Գեոկչայի տակ մղած մարտերը պատերազմական գործողությունների ընթացքի վրա ունեցան վճռական նշանակություն։ Վերջացավ պատերազմի առաջին շրջանը, երբ նախաձեռնությունը գտնվում էր Բաքվի զորքերի ձեռքում։ Հարձակողական մարտերը վերածվեցին պաշտպանողականի։

Բաքվի Ժողկոմսովետը նորից մի շարք միջոցառումներ է ձեռնարկում թըշնամու հարձակումը կանգնեցնելու և հակահարձակման անցնելու համար։ Հունիսի 30-ին հրապարակվում է Բաքվի Ժողկոմսովետի և Սովետի Գործկոմի հրամանը 1893—1897 թթ. ծնվածներին բանակ կանչելու մասին։ Հուլիսի 6-ին հրապարակվում է մի այլ հրաման, որի համաձայն հայտարարվում էր նավաստիների զորահավաք՝ ծովային գումարտակ կազմելու և նավաստիների կազմը համալրելու համար։ Բացի տեղում կատարված միջոցառումներից Բաքվի Սովետը Մոսկվա է գործուղում իր ներկայացուցչին՝ օգնության գործը արագացնելու համար։ Բաքվի Սովետը Մոսկվայից խնդրում էր 2—3 դիվիզիա, զենք և զինամթերք։ Բայց Ռուսաստանը, որը գտնվում էր ծանր դրության մեջ, ի վիճակի չէր տվյալ մոմենտին բավարարելու Բաքվի Սովետի հիմնական պահանջը և նրան ուղարկելու 2—3 դիվիզիա։

Այնուամենայնիվ, շնայած ծանր դրությանը, ձեռք առնվեցին բոլոր միջոցները հնարավորին չափ զորք և մեծ քանակությամբ զենք և զինամթերք ուղարկելու համար։

Բաքվին օգնելու գործը անմիջականորեն ղեկավարում էր Վ. Ի. Լենինը։

Նա ընդունելով Բաքվի Սովետի ներկայացուցչին, մանրամասն լսում է նրան և այնուհետև ուղարկում Պետրոգրադի Սովետի նախագահի մոտ հետևյալ

¹ «Տեղեկատու», № 54, 1918։

բացիկով. «Կարգադրեցեք անմիջապես բարձել և Բաքու ուղարկել զրահասպառափտմեքենաներ՝ սպառազինման համառուսական կոլեգիայի Գերատեսչության ցուցակով»¹:

Բացի դրանից Վ. Ի. Լենինը ծովային կոլեգիային հուլիսի 13-ին կարգադրում է ռադմանավեր փոխադրել Կասպից ծովը²:

Բաքու է ուղարկվում մեծ քանակությամբ ղեներ և զինամթերք: Վ. Ի. Լենինի կարգադրությամբ հուլիսի 20-ին Ուկրաինական ռազմաճակատից հանվում և Բաքու է ուղարկվում ձախ էսեռ Պետրովի ջոկատը, որը մեծ դեր է կատարում գերմանա-Ռուսրական իմպերիալիստների դեմ մղվող պայքարում:

Սակայն, ինչպես նշում է Սուրեն Շահումյանը իր «Բաքվի Կոմունա» շրջում, Ի. Ստալինը այդ ջոկատի մի զգալի մասը պահում է իր մոտ:

Վ. Ի. Լենինի առաջարկով Սովետական կառավարությունը ճնշում է գործադրում Գերմանիայի վրա՝ հարձակումը կանգնեցնելու համար:

Գերմանական իմպերիալիստները սկզբում ձեռքնում են, թե իբր իրենք հարձակմանը չեն մասնակցում, բայց երբ նրանց նավթ խոստացվեց իսկույն հանձն առան դադարեցնելու հարձակումը:

Վերջացնելով Գերմանիայի հետ վարվող բանակցությունները Վ. Ի. Լենինը հուլիսի 7-ին, դիշերվա ժամը 1-ին հեռագրում է Ի. Վ. Ստալինին³. «Բաքվի վերաբերմամբ ամենակարևորն է, որ դուք անընդհատ հարաբերությունների մեջ լինեք Շահումյանի հետ և որ Շահումյանը իմանա գերմանացիների առաջարկությունը, որ արվել է դեսույան Իոֆֆին Բեռլինում, այն բանի առթիվ, որ գերմանացիները կհամաձայնեին դադարեցնել թյուրքերի հարձակումը Բաքվի վրա, եթե մենք գերմանացիներին երաշխավորենք նավթի մի մասը: Իհարկե, մենք կհամաձայնենք»⁴:

Հուլիսի 8-ին, Ի. Ստալինը կատարելով Վ. Ի. Լենինի հանձնարարությունը, նամակ է գրում Շահումյանին՝ հայտնելով, որ Վրաստանի հարցում Սովետական իշխանությունը հավանաբար կզիջի Գերմանիային, եթե նա խոստանա, որ այսուհետև չի խառնվելու Հայաստանի և Ադրբեյջանի գործերին: Ինչ վերաբերվում է Բաքվին, գերմանացիները համաձայնվել են այն թողնել բուլղարներին, դրա փոխարեն պահանջելով նավթ, որը Սովետական կառավարությունը կտա: Այնուհետև նա հայտնում է Շահումյանին, որ հաջողության դեպքում հարկավոր է Գանձակից հեռու չշարժվել և Վրաստանի սահմանները չմտնել, բանի որ այդ կարող է բարդություններ առաջացնել: Վերջում Ի. Ստալինը հայտնում է, որ այդ բոլորը Վ. Ի. Լենինի առաջարկություններն են, որի հետ ինքը խոսել է հուլիսի 7-ին ուղիղ գծով⁵:

Այս նամակը մի ավելորդ անգամ ցույց է տալիս, որ Ի. Ստալինը չի հանդիսացել Կոմունայի «ողեշնչողն ու ուղղություն տվողը», ինչպես գրում էին մեր պատմաբանները:

¹ «Լենինյան ժողովածու», հատ. XXXIV, էջ 36:

² Նույն տեղում, էջ 33:

³ Կապր Մոսկվայի և Բաքվի միջև շատ վատ էր, այդ պատճառով էլ Լենինի խորհրդով այն պահպանվում էր Ի. Ստալինի միջոցով, որը այն ժամանակ աշխատում էր օարիցինում:

⁴ Վ. Ի. Լենին, Երկեր, հատ. 27, էջ 669—670:

⁵ Документы по истории гражданской войны в СССР, т. I, стр. 289—290.

Չնայած Բաքվի ժողկոմսովետի ձեռք առած բոլոր միջոցներին և Վ. Ի. Լենինի հոգատար վերաբերմունքին և օգնությանը, Կոմունայի դրությունը օր-օրի վրա վատանում էր:

Հուլիսի 13-ին Ստ. Շահումյանը հեռագրում է Վ. Ի. Լենինին. «Դրությունը ռազմաճակատում վատանում է: Միայն մեր ուժերը բավական չեն: Անհրաժեշտ է յուրջ օգնություն Ռուսաստանից... Սպասում եմ շտապ ռազմական օգնության և Ձեր ղեկավար ցուցումներին...»:

Էսենները, դաշնակները և մենշևիկները՝ օգտագործելով պարենային ձգնաժամը և ռազմաճակատում կրած պարտությունները, ավելի են ուժեղացնում իրենց ագիտացիան՝ պահանջելով Բաքու հրավիրել անգլիացիներին:

Հուլիսի 25-ին, չնայած բոլշևիկների ջանքերին, որոնք ասպացուցում էին անգլիացիներին կանչելու քաղաքականության ամբողջ կործանարարությունը, Բաքվի Սովետը համաձայնողական պարտիաների ճնշման տակ, ձայների անշշան տարբերությամբ (23) որոշում ընդունեց անգլիացիներին հրավիրելու մասին:

Հանդես գալով ԿԳԿ-ի հուլիսի 20-ի նիստում Վ. Ի. Լենինը հավանություն է տալիս անգլիացիների նկատմամբ Բաքվի բոլշևիկների վարած քաղաքականությանը, ասելով. «Անգլո-ֆրանսիական իմպերիալիստների հետ որևէ համաձայնություն կնքելուց վճռականորեն հրաժարվելը Բաքվի ընկերների միակ ճիշտ բայն է, քանի որ չի կարելի նրանց հրավիրել, առանց ինքնուրույն, սոցիալիստական իշխանությունը, թեկուզ և կտրված տերիտորիայում, վերածելու իմպերիալիստական պատերազմի ստրուկի»²:

Ստ. Շահումյանը, որպես Կենտրոնական Սովետական իշխանության ներկայացուցիչ, բողոքում է ընդունված որոշման դեմ և հայտարարում, որ բոլշևիկները վար են դնում իրենց լիազորությունները:

Բայց, չնայած այդ հայտարարությանը, հուլիսի 28-ին տեղի ունեցած բոլշևիկների պարտիական կոնֆերենցիան վճռեց առանց պայքարի իշխանությունը չհանձնել, հայտարարել զորահավաք և արագ կերպով կազմակերպել քաղաքի պաշտպանությունը:

Քաղաքը հայտարարվում է ռազմական դրության մեջ: Հայտարարվում է 1883—1892 թթ. ծնվածների զորահավաք: Նույն օրը տեղի ունեցավ զինվորների մի բազմամարդ ժողով, որին մասնակցում էին նաև բանվորական կազմակերպությունների ներկայացուցիչները: Ժողովը ողջունի ջերմ հեռագիր ուղարկեց Վ. Ի. Լենինին:

Կոնտրոնոլյուցիոն պարտիաները ձախողեցին զորահավաքի գործը և քայքայեցին քաղաքի պաշտպանությունը: Հատկապես ակտիվ էին գործում դաշնակցականները:

Հուլիսի 29-ին Վ. Ի. Լենինը հեռագրում է Ս. Դ. Շահումյանին. «Սովետների 5-րդ համագումարի և Կենտրոնական Սովետական իշխանության որոշման դեմ դաշնակների ամեն մի գործողություն դիտվելու է որպես ասպատամբություն և որպես դավաճանություն: Զորքեր ուղարկելու համար միջոցներ ձեռք կառնենք, բայց հաստատապես խոսք տալ չենք կարող»³:

¹ «Красный Архив», № 4—5, стр. 22, 1938.

² Վ. Ի. Լենին, Երկեր, հատ. 28, էջ 9:

³ Նույն տեղում, հատ. 33, էջ 380:

Հուլիսի 30-ին լքում է ռազմաճակատը Բիշերախովը: Թուրքական դորքերը մոտենում են քաղաքին:

Այդպիսի պայմաններում Բաքվի ժողկոմսովետը վար է դնում իր լիազորությունները:

Համաձայնողական պարտիաների ներկայացուցիչներից կազմվեց «Յենտրոկասպի»-ի կոնտրոլուցիոն կառավարությունը:

Բոլշևիկյան ամբողջ կազմակերպությունը՝ զորքերով հանդերձ ճամբար է խփում Պետրոպոլսի հրապարակում, որը կոչվում էր «Շահումյանի միջնաբերդ և ակտիվ կերպով մասնակցում էր քաղաքի պաշտպանությանը»:

Մինչև անգլիացիների Բաքու ժամանելը Ս. Շահումյանը դեռևս հույս ուներ, որ ավելու իշխանությունը և կազմակերպելու ինտերվենտների դեմ մղվող պայքարը:

Այդ է ցույց տալիս օգոստոսի սկզբին տեղի ունեցած բոլշևիկների պարտիական կոնֆերենցիան, որտեղ Ս. Շահումյանը հանդես գալով ղեկուցումով ասաց. «...Մենք կկործանվենք, եթե քաղաքացիական պատերազմի միջոցով իշխանությունը չգրավենք»¹:

Դնելով իշխանության գրավման հարցը, Ս. Շահումյանը ցանկանում էր այն իրագործել Ռուսաստանից սպասվող թեկուղ և փոքրաթիվ ղինված ուժերի և Բաքվի բոլշևիկների միացյալ ջանքերով: Բնական է, որ եթե միայն սեփական ուժերով հնարավոր լիներ իշխանությունը պահել, Բաքվի ժողկոմսովետը հրաժարական չէր տա:

Դա հաստատվում է Աստրախանի Սովդեպի նախագահ՝ Անիսիմովի ստորագրությամբ լենինին և Սվերդլովին ուղարկված Շահումյանի հեռագրով (այն մինչև այժմ էլ սխալմամբ վերագրվում է Անիսիմովին), որտեղ ասվում էր. «Դրությունը այնպես է, որ եթե հիմա անմիջապես 1000 հոգի տրվի, ապա իշխանությունը կվերականգնվի և Բաքուն կկարողանա դիմանալ մինչև նոր ուժերի ժամանումը»²:

Վ. Ի. Լենինը այդ օրերին ավելի մեծ ուշադրություն էր նվիրում Բաքվի օգնության կազմակերպմանը:

Հուլիսի վերջին և օգոստոսի սկզբներին Բաքու է ուղարկվում 80 թնդանոթ, 160 զնդացիր, 1000 հրացան, զրահապատ ավտոմեքենաներ, 20.000 փամփուշտ և այլն: Ժամանում են նաև որոշ քանակությամբ ղինված ուժեր:

Օգոստոսի 9-ին Վ. Ի. Լենինը հեռագրում է Աստրախանի Սովդեպի նախագահ Անիսիմովին.

«Դրությունը Բաքվում ինձ համար այնուամենայնիվ պարզ չէ: Որտե՞ղ է Շահումյանը:

...Դուք գիտեք, որ հս լիովին վստահում եմ Շահումյանին: Այստեղից չի կարելի հասկանալ դրությունը և արագ օգնելու հնարավորություն չկա»³:

Ստանալով Շահումյանի հեռագիրը 1000 հոգի ուղարկելու մասին, Վ. Ի. Լենինը անմիջապես հեռագրում է Սարատովի և Ցարիցինի ռազմական կոմիսարներին՝ հայտնելով, որ Լենինի անվան գունդը գնում է դեպի Բաքու և հարկավոր է շտապ միջոցներ ձևոր առնել, որպեսզի նա մամանակին տեսի

¹ «Бакинский рабочий», № 211, 1922.

² Труды Аз. филиала Института марксизма-ленинизма, т. XII, стр. 228.

³ Վ. Ի. Լենին. Երկեր, հատ. 33, էջ 360:

հասնիւ Հեռագրում նշվում էր, որ այն բոլորը, ովքեր կհամարձակվեն դանգադեցնել գնդի առաջարկումը, կենթարկվեն խիստ պատասխանատվության¹։

Ձնայած մեծ ճիգերին, ռազմական օգնությունը տեղ չհասավ։ Լենինի ունվան դունդը կանգ առավ Ցարիցինի մոտ՝ չկարողանալով առաջ գնալ։ Օգոստոսի 23-ին Վ. Ի. Լենինը՝ խոսելով Բաքվին ուղարկված օգնության մասին, գրում էր. «Ռազմական օգնությունը չգիտենք որտեղ է, կարծում ենք կանգ է առել Ցարիցինի մոտ»²։

Մինչ այդ ժամանեցին անգլիացիները, որի կապակցությամբ օգոստոսի 10-ին Պետրովսկի հրապարակում տեղի ունեցավ երկրորդ պարտիական կռիվներենցիան, որտեղ քննարկվեց հետագա անելիքների հարցը։

Ստ. Շահումյանը, իր ելույթում պարզաբանելով ստեղծված դրությունը, նշում էր, որ անգլիացիների Բաքու ժամանելուց հետո դրությունը փոխվել է. բանի որ չի կարելի անցնել դավաճանների շարքը և կռվել անգլիական զորքերի հետ՝ ի փառս անգլիական իմպերիալիզմի։ Պայքարել միայն սեփական ուժերով հնարավոր չէր։ Այդ պատճառով Շահումյանն առաջարկում է զինված ուժերը, զենքն ու զինամթերքը փոխադրել Աստրախան, օգտագործել այլ ռազմաճակատներում, մինչև Բաքվի ազատագրության գործի կազմակերպումը։

Աստրախան մեկնելը զորքը և զինամթերքը փրկելու միակ միջոցն էր։ Ոչ անգլիացիները և ոչ էլ «Ցենտրոկասպի»-ի կառավարությունը չէին հանդուրժի բոլշևիկների զինված ուժերի ներկայությունը և անպայման զինաթափ կանեին՝ սպառնալիքից ազատվելու և զենքն ու զինամթերքը գրավելու համար։

Այդ էր պատճառը, որ օգոստոսի 14-ին Բաքվի կոմունարները 17 շոգենավով, զորքով և զինամթերքով բաց ծով են դուրս գալիս և ուղղություն վերցնում դեպի Աստրախան։ Բայց ճանապարհին նրանք շրջապատվեցին «Ցենտրոկասպի»-ի նավերով, հետ բերվեցին Բաքու և բանտարկվեցին։

Ինչպես կանխատեսում էր Ստ. Շահումյանը, անգլիացիները քայքայեցին քաղաքի պաշտպանությունը։

Շուտով քաղաքի դրությունը դառնում է անհուսալի։ Անգլիացիները և «Ցենտրոկասպի»-ի ղեկավարները խուճապահար փախչում են քաղաքից, բանտում թողնելով Կոմունայի ղեկավարներին, լավ իմանալով, որ նրանք կհռչակեն թուրքական հորդանների կողմից։

Ա. Միկոյանին մեծ դժվարություններով հաջողվում է բանտից ազատել Շահումյանին իր զինակիցներով և հասցնել նավահանգիստ, որտեղից նրանք ուետք է մեկնեին Աստրախան։ Սակայն «Թուրքմեն» նավի անձնակազմը նավը տանում է Կրասնովոդսկ, որն այն ժամանակ փաստորեն օկուպացիայի էր ենթարկված անգլիական իմպերիալիստների կողմից։

Կրասնովոդսկում Բաքվի կոմունարները ձերբակալվում են։

Վ. Ի. Լենինը խիստ կերպով անհանգստացած էր։ Նա դիմում է անգլիական հրամանատարությանը, առաջարկելով Բաքվի կոմունարներին փոխանակել անգլիական ռազմագերիների հետ, բայց անգլիացիները չեն պատասխանում։ Վ. Ի. Լենինը այդ հարցով դիմում է նաև Վրաստանի և Հայաստանի կառավարություններին, բայց ոչ մի արդյունք չի ստանում։ Կոնտրռեյուցիան ոչ մի գնով չէր համաձայնում իր ճանկերից բաց թողնելու ռեյուցիայի հե-

րոսներին։

¹ Տես «Լենինյան ժողովածու», հատ. XXXIV, էջ 39։

² Նույն տեղում, էջ 41—42։

1918 թ. սեպտեմբերի 20-ին Անդրկասպյան անմարդարնակ ավազուտներում Անդրկովկասի բանվոր դասակարգի և գյուղացիության լավագույն զավակները գազանաբար հռչակեցին անգլիական իմպերիալիստների և նրանց սպասարկուներ՝ էսենների կողմից:

Այսպիսով, ուսումնասիրելով Բաքվի կոմունայի պատմությունը, մենք տեսնում ենք, որ այն ղեկավարվել է Վ. Ի. Լենինի կողմից և հանդիսանում է Ռուսաստանի ռևոլյուցիոն շարժումների տարեգրության փառավոր էջերից մեկը:

Ինչ վերաբերվում է Կոմունայի պարտության պատճառներին, ապա այն բացատրվում է ոչ թե նրա ղեկավարների թույլ տված տակտիկական սխալներով, այլ տվյալ ժամանակաշրջանում դասակարգային ուժերի հարաբերակցության փոփոխությամբ Բաքվում, միջազգային իմպերիալիզմի և երիտասարդ Սովետական պետության ուժերի անհավասար հարաբերությամբ: